

Nº: 3-228



PRESIDENCIA
SECRETARÍA XERAL PARA O DEPORTE

Estadio Multiusos de San Lázaro - 15890 SANTIAGO DE COMPOSTELA - Teléfono 54 26 20 - Telefax 54 26 38

	XUNTA DE GALICIA PRESIDENCIA Secretaría Xeral para o Deporte
Entrada.....	
Saída.....	1518
Data.....	28 MAYO 1996

REFERENCIA : PR946A 96/6-3

SOLICITANTE: ASOCIACION DEPORTIVO CULTURAL SANDE

DOCUMENTO : PR946A.601

NOTIFICACION DA RESOLUCION

Notifícase que por Resolución de 24 de maio de 1996, do Ilmo. Sr. Secretario Xeral para o Deporte, dada de conformidade coa Lei 10/1990 Xeral do deporte (B.O.E - 17-10-1990), e Ordes de 17 de Maio de 1983 (D.O.G.) de 3-6-83) e de 20 de Novembro de 1986 (D.O.G de 5-12-86), e demais normativa aplicable, ese Clube foi inscrito no Rexistro de Clubes, Federacións e Entidades Deportivas de Galicia, co nº 5061.

Así mesmo, e a tenor do establecido no artigo 9º da Orde de 17 de maio de 1983, deberán comunicar e solicita-la inscrición neste Rexistro, dos cambios e alteracións dese clube que se produzan con relación ós datos consignados (cambios na Xunta Directiva, cambio de denominación, modificación dos Estatutos, enderezos sociais, etc..).

Achégaselle, para constancia e arquivo na Secretaría dese Clube Deportivo, copia dos Estatutos sociais, Acta Fundacional, e relación da Xunta Directiva.

Santiago, a 27 de maio de 1996.

SECCION DE REXISTRO DE CLUBES E
ASUNTOS XURIDICOS,



Asdo: Belarmino García Martínez

SR. PRESIDENTE DA ASOCIACION DEPORTIVO CULTURAL SANDE

ESTATUTOS

DA "ASOCIACIÓN DEPORTIVO CULTURAL DE SANDE"

CAPITULO I

NORMAS XERAIS

Artigo 1º.- A **ASOCIACIÓN DEPORTIVO CULTURAL DE SANDE** é unha a Asociación privada con personalidade xurídica e capacidade de obrar, da que o obxecto principal será o fomento e a práctica da actividade física e deportiva, sen ánimo de lucro.

Artigo 2º.- A **ASOCIACIÓN DEPORTIVO CULTURAL DE SANDE** practicará como principal modalidade deportiva a de **FUTBOL** e afiliarse á Federación Galega de Fútbol, que someterá estes Estatutos á aprobación da Secretaría Xeral para o Deporte da Xunta de Galicia.

Asimesmo a **ASOCIACIÓN DEPORTIVO CULTURAL DE SANDE** terá como fins:

- O fomento de actividades físico-deportivas dirixidas o público en xeral e en especial á xuventude, promocionando especialmente actividades ó aire libre e de respecto a Natureza.

- A divulgación cultural e educativa dos efectos benéficos que a actividade física ten en relación coa saúde para o mellor emprego do ocio e o tempo libre.

A Xunta Directiva poderá acorda-la creación de novas seccións para a práctica de outras modalidades deportivas, que adscribirá nas correspondentes Federacións.

Artigo 3º.- A **ASOCIACIÓN DEPORTIVO CULTURAL DE SANDE** someterase o réxime do presuposto e patrimonio propio coas seguintes limitacións:

- a) Non podera destina-los seus bens a fins industriais, comerciais, profesionais ou de servizo, nin exercer actividades de igual carácter co fin de repartir beneficios entre os seus socios. Os seus ingresos aplicaranse integramente.



b) Poderá celebrar manifestacións de carácter físico-deportivo dirixidas o público en xeral, aplicando os beneficios obtidos ó desenvolvemento das actividades culturais e deportivas dos seus asociados.

c) **A ASOCIACIÓN DEPORTIVO CULTURAL DE SANDE** poderá gravar ou enaxenar bens inmobles, tomar cartos a préstamos e emitir títulos transmisibles representativos de deuda ou parte alicuota patrimonial, sempre que cumpra cos seguintes requisitos:

1. Que tales operacións sexan autorizadas por maioría de dous tercios dos socios presentes representados na Asamblea Xeral extraordinaria.

2. Que ditos actos non comprometan de maneira irreversible ó patrimonio da entidade ou a actividade físico-deportiva que constitúa o seu obxecto social. Para a axeitada xustificación deste extremo poderá esixirse, sempre que o soliciten como mínimo o cinco por cento dos socios de número, o oportuno dictame económico-actuarial.

3. Cando se trate de tomar cartos a préstamos en cuantía superior ó 50% do presuposto anual ou que represente unha porcentaxe igual ó valor do patrimonio, así como nos supostos de emisións de títulos, requirirá informe da federación e aprobación da Secretaría Xeral para o Deporte da Xunta de Galicia.

Artigo 4º.- **A ASOCIACIÓN DEPORTIVO CULTURAL DE SANDE** poderá recibir libremente doacións que non excedan da cantidade de 500.000 pts. No suposto de doacións que superen esta cantidade, será necesaria a autorización expresa da Secretaría Xeral para o Deporte da Xunta de Galicia, previo informe da Federación correspondente.

Artigo 5º.- O domicilio Social fíxase en **SANDE, rúa A XESTEIRA s/n, C. P. 32823, CARTELLE, (OURENSE)**. Tfn. (988) 484042, debendo, en caso de variación, dar conta a Secretaría Xeral para o Deporte da Xunta de Galicia.

A ASOCIACIÓN DEPORTIVO CULTURAL DE SANDE contará como instalación propia co campo de fútbol de **AS RAPOSEIRAS**.



CAPITULO II

CLASES DE SOCIOS, ADMISIÓN, DEREITOS E OBLIGACIÓNS

Artigo 6º.- O número de socios será ilimitado; a Xunta Directiva poderá suspender, sen embargo, a admisión de novos socios cando así o esixan razóns de aforo ou capacidade física das instalacións. Os socios poderán ser das seguintes: de número, honorarios, aspirantes e familiares.

Artigo 7º.- Son socios de número tódalas persoas maiores de idade, que satisfagan a cuota establecida.

Os menores de 18 anos de un e outro sexo calificaranse como socios aspirantes, tendo dereito o uso das instalacións sociais mediante a cuota que fixa a Comisión Directiva, e pasarán automaticamente a ser socios de número ó cumprir a maioría de idade.

Serán socios honorarios aquelas persoas ás que a Comisión Directiva confira esta distinción e terán un posto de preferencia nos actos oficiais da sociedade.

Son socios familiares todas aquelas persoas que dependan economicamente dun socio de número e convivan con el no mesmo domicilio.

Artigo 8º.- Primeiro: Os socios de número terán os seguintes dereitos:

- a) Contribuír ó cumprimento dos fins específicos da Asociación.
- b) Esixir que a Asociación se axuste ó disposto pola Secretaría Xeral para o deporte da Xunta de Galicia, normas de desenvolvemento das mesmas e ó establecido no presente Estatuto.
- c) Separarse libremente da Asociación.
- d) Coñecer as actividades da Asociación e examinala súa documentación previa petición razoada a Xunta Directiva.
- e) Expoñer libremente no seo da Asociación.
- f) Ser elector e elixible para os órganos de representación e goberno da Asociación, sempre que teña plena capacidade de obrar.



Segundo: Son obrigacións dos socios de número:

- a) Abona-las cuotas que esixa a Xunta Directiva.
- b) Contribuír ó mantemento e difusión do deporte ou deportes da Sociedade.
- c) Acatar cantas disposicións dicte a Asamblea Xeral, a Xunta Directiva ou ós membros da mesma, para o bon goberno da Sociedade.

Terceiro: Os socios aspirantes terán dereito a disfrutar dos servicios e instalacións sociais da Asociación.

Cuarto: Os familiares dos socios de número terán dereito a disfrutar daqueles servicios e instalacións que se determinen, previo pago da cuota fixada.

Artigo 9º.- Para ser admitido como socio, en calquera das súas modalidades, será necesario:

- Ter a idade sinalada para cada unha delas.
- Solicitud por escrito dirixida á Xunta Directiva.
- Satisface-la cuota de ingreso correspondente.

Artigo 10º.- A condición de socio pérdese:

- Por vontade propia.
- Por falta de pago das cuotas sociais durante tres meses consecutivos.

CAPITULO III

ÓRGANOS DE REPRESENTACIÓN E GOBERNO

Artigo 11º.- Son órganos de representación da Asociación a Xunta Directiva e a Asamblea Xeral.

Artigo 12º.- Primeiro: A Xunta Directiva estará formada por un número de membros non inferior a cinco nin superior a vinte. O fronte dela haberá un Presidente e formarán parte da mesma un Secretario e un Tesorero.

Segundo: O Presidente da Xunta Directiva e, no seu defecto, aqueles outros membros da mesma que determinen os Estatutos, ostentarán a representación legal da Asociación, actuarán no seu nome e estarán obrigados a executa-los acordos validamente adoptados pola Asamblea Xeral e a Xunta Directiva.

Terceiro: Corresponderán á Xunta Directiva as seguintes atribucións:

a) Mante-la orde e a disciplina na Sociedade, así como nas competicións que se organicen.

b) Convocar, por medio do seu Presidente, a Asamblea Xeral cando o estime necesario, cumprindo os acordos e decisións da mesma.

c) Sinala-las condicións e forma de admisión de novos socios, así como as cuotas de ingreso e periódicas que deban satisfacerse.

d) Redactar e reforma-los Regulamentos de Réxime Interior, fixando as normas de uso das instalacións e as tarifas correspondentes.

e) Nomea-las persoas que vaian dirixi-las distintas comisións que se crean, así como organiza-las actividades do Club.

f) Formular inventario e balance anual, así como redacta-la memoria anual da sociedade e, en xeral, aplicar tódalas medidas deportivas, económicas e administrativas precisas para o fomento e desenvolvemento do deporte.

Artigo 13º.- Primeiro: A Xunta Directiva quedará validamente constituída en primeira convocatoria cando concorran a ela a maioría dos seus membros. En segunda convocatoria será suficiente a concurrencia, polo menos, de tres dos seus membros, e, en todo caso, do Presidente ou Vicepresidente.

Segundo: A Xunta Directiva convocarase pola súa Presidencia con dous días de antelación, como mínimo, á data de celebración. Tamén poderá convocarse a petición de tres ou máis dos seus membros.

Artigo 14º.- A Xunta Directiva quedará tamén validamente constituída cando estean presentes tódolos seus membros, anque non se convocara previamente.



Artigo 15º.- Primeiro: O Tesoureiro da Xunta Directiva será o Depositario da Asociación, firmara os recibos e autorizará os pagos e levará os Libros de Contabilidade.

Segundo: Será obrigación do Tesoureiro formalizar, durante o primeiro mes de cada ano, un balance de situación e as contas de ingresos e gastos, que se poñeran en coñecemento de tódolos asociados.

Artigo 16º.- O Secretario da Xunta Directiva coidará do arquivo, da documentación, redactará cantos documentos afecten á marcha administrativa da Asociación e levará o Libro de Rexistro de Asociados e o Libro de Actas.

Artigo 17º.- A elección dos membros da Xunta Directiva efectuarase por un período de catro anos, coincidindo con períodos Olímpicos.

Artigo 18º: Primeiro: A Asamblea é o órgano supremo de goberno da Asociación e estará integrada por tódolos seus socios de número,

Segundo: As Assembleas Xerais, tanto ordinarias como extraordinarias, quedarán validamente constituídas en primeira convocatoria cando concorran nela, presentes ou representados, a maioría dos seus asociados. En segunda convocatoria, será suficiente a concorrencia dunha cuarta parte dos asociados. Entre a data da convocatoria e o día sinalado para súa celebración haberá de mediar, ó menos, quince días naturais.

Artigo 19º.- A Asamblea Xeral convocarase polo Presidente a iniciativa propia ou a petición da Xunta Directiva ou do dez por cento, ó menos, dos socios de número.

1.- A Asamblea Xeral reunirase con carácter ordinario polo menos unha vez o ano para tratar as seguintes cuestións:

- a) Memoria, liquidación do presuposto, balance do exercicio, rendición de contas e aprobación se procede.
- b) Presuposto para o exercicio seguinte.
- c) Proxectos e propostas da Directiva
- d) Propositions que formulen os socios e que deberán ir firmadas polomenos polo quince por cento dos socios.
- e) Rogos e preguntas.

2.- Deberá celebrarse Asamblea Xeral extraordinaria para a modificación dos Estatutos, elección da Xunta Directiva, tomar diñeiro a préstamo, emisión de títulos representativos de deuda ou parte alicuota patrimonial, enaxenación de bens inmobles e fixación das cuotas dos socios.



CAPITULO IV

RÉXIME DOCUMENTAL

Artigo 20º.- O réxime documental da Asociación constará dos seguintes libros: de Asociados, de Actas e de Contabilidade.

Artigo 21º.- No Libro de Rexistro de Asociados deberán constar os nomes e apelidos dos socios de número, o seu Documento Nacional de Identidade, profesión e, no seu caso, os cargos de representación, goberno e administración que exerzan na Asociación.

Tamén se especificarán as datas de alta e baixas e as de toma de posesión e cese nos cargos aludidos.

Artigo 22º.- Nos Libros de Actas consignaranse as reunións que celebre a Asamblea Xeral e a Xunta Directiva, con expresión da data, asistentes, asuntos tratados e acordados adoptados. As actas firmaranse, en todo caso, polo Presidente e o Secretario.

Artigo 23º.- Nos Libros de Contabilidade figurarán tanto o patrimonio como os dereitos e obrigacións, ingresos e gastos da Asociación, debendo precisarse a procedencia daqueles e a inversión ou destino destes.

CAPITULO V

SECCIÓNS DEPORTIVAS



Artigo 24º.- Cando a Xunta Directiva acorde a práctica dunha modalidade deportiva creará a Sección correspondente, que deberá de ser afiliada á Federación que proceda.

Artigo 25º.- Cada sección deportiva ocuparase de tódolo relativo a práctica da modalidade deportiva correspondente, baixo a coordinación e superior dirección da Xunta Directiva.

CAPITULO VI

DA EMISIÓN DE TÍTULOS DE DEUDA OU DE PARTE ALICUOTA PATRIMONIAL.

Artigo 26º.- A **ASOCIACIÓN DEPORTIVO CULTURAL DE SANDE** poderá emitir títulos de deuda ou de parte alicuota patrimonial. Os títulos serán nominativos.

Artigo 27º.- 1.- Os títulos inscribíranse nun libro que levará o efecto a Asociación, no que se anotarán as sucesivas transferencias.

2.- En tódolos títulos constará o valor nominal, a data de emisión e, no seu caso, o interés e prazo de amortización.

Artigo 28º.- Os títulos de deuda só poderán suscribirse polos asociados e a súa posesión non conferirá dereito algún especial ós socios, salvo a percepción dos intereses establecidos conforme á lexislación vixente.

Artigo 29º.- Os títulos de parte alicuota patrimonial serán asimesmo suscritos polos asociados. En ningún caso estes títulos darán dereito á percepción de dividendos ou beneficios.

Artigo 30º.- Os títulos de deuda e parte alicuota patrimonial serán transferibles unicamente entre os que teñan a condición de socios.

CAPITULO VII

REFORMA DOS ESTATUTOS E DISOLUCIÓN DA SOCIEDADE

Artigo 31º.- Os presentes Estatutos só poderán modificarse, reformarse ou derogarse por acordo da **Asamblea Xeral Extraordinaria** convocada ó efecto, mediante votación favorable dos socios de número asistentes.

A reforma destes Estatutos seguerá, con respecto ó Rexistro de Asociacións Deportivas, os mesmos trámites administrativos para a súa aprobación.



Artigo 32º.- A **ASOCIACIÓN DEPORTIVO CULTURAL DE SANDE** extinguirase ou disolverase por acordo da Xunta Directiva, ratificando pola **Asamblea Xeral Extraordinaria** que se celebrará a tal fin, cun mínimo das dúas terceiras partes dos socios de número asistentes.

Artigo 33º.- Disolta a **ASOCIACIÓN DEPORTIVO CULTURAL DE SANDE** o remanente do seu patrimonio social, se o houbera, reverterá á colectividade, comunicándose tal disolución á Secretaría Xeral para o Deporte e a Federación Galega, que acordará o destino de ditos bens para o fomento e desenvolvemento das actividades físico-deportivas.

José A. Pérez

Alto 10558

Paulo Zermeno

Emilio Varela

[Signature]

[Signature]



DILIXENCIA: Esténdoa para facer constar que os presentes Estatutos

de ASOCIACION DEPORTIVO CULTURAL

JANDE

Nº 5061

foron inscritos de conformidade co disposto no Decreto nº. 82/1983

de 21 de Abril, publicado no Diario Oficial de Galicia nº 47, de data

13 Maio de 1983; e o Art. 16 da Lei Xeral do Deporte

(BOE 17-10-80).

Santiago, 24 de maio de 19 96.

SECCIÓN REXISTRO CLUBS E ASUNTOS XURÍDICOS



**ACTA DE APROBACIÓN DE ESTATUTOS DO CLUB ASOCIACIÓN
DEPORTIVO CULTURAL DE SANDE.**

- D. JOSÉ ANTONIO CAO SANTAMARÍA Secretario da
ASOCIACIÓN DEPORTIVO CULTURAL DE SANDE.

CERTIFICO:

Que na Asamblea Xeral do mencionado Club, celebrada en Sande o día 30 de Marzo de 1.996, aprobáronse por unanimidade os Estatutos polos que se rexirá o mencionado Club.

Para que conste, asino a presente en SANDE a Trinta de Marzo de Mil Novecentos Noventa e Seis.

O SECRETARIO



E non habendo máis asuntos que tratar levántase a sesión ás 22 horas do día expresado, dando fé da mesma tódolos asistentes.

Sinatura de tódolos promotores.-

José A. Ferrel

Pablo Lacso

Walter Serrano

Emilio Varas



